

Mi, predstavnici agencija ili tijela za osiguranje kvaliteta iz Albanije, Bosne i Hercegovine, Bugarske, Hrvatske, Srbije i Slovenije, predstavnici ENQA-e i EQAR-a, na sastanku organizovanom tokom Konferencije “*Pristupanje punopravnom članstvu u ENQA-u i EQAR*”, održane u Sarajevu od 12. do 13. maja, donosimo sljedeće

ZAKLJUČKE

1. Sve regionalne agencije potvrđuju obavezu i namjeru da pristupe ENQA-i i da budu registrirane u EQAR-u. U tom smislu, puna implementacija “*Standarda i smjernica u Evropskom prostoru visokog obrazovanja*” (u daljem tekstu ESG) se naglašava kao najvažniji dio rada agencija.
2. Nezavisnost agencija je identifikovana kao još uvijek izazovno pitanje, ali u isto vrijeme kao glavna prepreka u poštovanju ESG i pravila ENQA-e i EQAR-a. Agencije izražavaju potpunu spremnost da nastave unutrašnje napore u poboljšavanju svog rada i da dostignu sve standarde ESG. Međutim, agencije u velikoj mjeri zavise od svog vanjskog pravnog i praktičnog okvira prilikom uspostavljanja potpuno nezavisne uloge obavljanja aktivnosti vanjskog osiguranja kvaliteta u zemljama jugoistočne Evrope. Stoga, agencije predlažu Vijeću Evrope da podrži agencije u procesu pridržavanja ESG saradjući sa ENQA-om i EQAR-om, putem inicijative neformalnih konferencija ministarstava obrazovanja sa prostora zapadnog Balkana.
3. Regionalne agencije će promovirati zajedničko povjerenje u kontekstu evropske saradnje. Regionalna saradnja agencija će se nastaviti kroz sljedeće aktivnosti:
 - Potpisivanje bilateralnih i multilateralnih memoranduma o razumijevanju ili saradnji koji će opisivati okvire konkretnih aktivnosti saradnje,
 - Nastavak širenja iskustava i ekspertize,
 - Uspostavljanje zajedničkog tima stručnjaka za vanjski pregled kvaliteta,
 - Uspostavljanje procedura za zajedničku evaluaciju, naročito evaluaciju doktorskih programa,
 - Prijavljivanje za međunarodne fondove sa zajedničkim projektima.
4. Regionalne agencije pozivaju agencije ili tijela odgovorna za osiguranje kvaliteta iz drugih zemalja jugoistočne Evrope da se pridruže ovim inicijativama i uvedu svoje najbolje prakse u Regiji.
5. Regionalne agencije će se susresti u Tirani sljedeće jeseni tokom skupa u organizaciji Albanske državne agencije za akreditaciju u visokom obrazovanju da bi nastavile razgovor i uspostavile osnove za takvu saradnju.
6. Ovi zaključci će biti dostavljeni svim učesnicima Konferencije, Upravnom odboru ENQA-e i Odjelu za visoko obrazovanje i istraživanje Vijeća Evrope.

Sarajevo, 13. maja 2010.